



Republika e Kosovës – Republika Kosova – Republic of Kosova
KOMUNA JUNIK - OPŠTINA JUNIK- MUNICIPALITY JUNIK

KOMITETI PER POLITIKË DHE FINANCA

Kuvendi Komunal-Junik
Nr. 02-01-22
Datë: 20. 01. 2023, ora 10⁰⁰

PROCESVERBAL

Mbi Mbledhjen e parë të Rregullt të Komitetit për Politike dhe Financa në Junik, të mbajtur më datë 20 Janar, 2023, në orën 10⁰⁰, në lokalet e Kuvendit Komunal në Junik.

Të pranishëm në këtë mbledhje ishin anëtarët e këtij Komiteti si në vijim:

1. Shpejtim Gacaferi, kryesues (LDK),
2. Ermelinda Lolluni, përfaqësuese (LDK),
3. Rajmonda Krasniqi, përfaqësuese (AAK),
4. Xhemë Tofaj, përfaqësues (LVV), dhe
5. Dervish Bajraktari, përfaqësues (AAK).

Poashtu të pranishëm në këtë mbledhje ishin edhe Kryetari i Komunës z. Ruzhdi Shehu, Nënkryetari Komunal, z. Besart Tofaj, Drejtoresha për Administratë znjsh. Leonora Shehu, Drejtoresha për Buxhet dhe Financa znjsh. Vjollca Qestaj, Drejtoresha për Zhvillim Ekonomik znjsh. Gentiana Tofaj, Drejtori i Urbanizmit z. Zenun Shala, Drejtori për Arsim z. Xhavit Velijaj, Drejtori për Shërbime Publike z. Demokrat Ganijaj, dhe Zyrtari Kryesor Financiar z. Arten Hamza.

Mbledhjen e Parë të Rregullt të Komitetit për Politike dhe Financa e shpalli të hapur kryesuesi i këtij Komiteti, z. Shpejtim Gacaferi, ndërsa tha, e cekë se nga pesë anëtarë të KPF-së të gjithë jemi të pranishëm në këtë mbledhje.

Kryesuesi z. Shpejtim Gacaferi kërkoj miratimin e Rendit të Ditës, si në vijim;

1. Shqyrtimi dhe miratimi i Procesverbalit nga mbledhja e kaluar,
2. Shqyrtimi dhe miratimi i Raportit të Punës i Kuvendit Komunal për vitin 2022,
3. Shqyrtimi dhe miratimi i Raportit të Punës të Këshillit Komunal për Siguri në Bashkësi /KKSB/,
4. Raporti Financiar vjetor Janar- Dhjetor 2022,
5. Shqyrtimi dhe miratimi i Projekt-Rregullores Edukativo-Arsimore (leximi i parë),
6. Marrja e vendimit për formimin e Komiteti për Shërbime Publike,
7. Shqyrtimi dhe miratimi i Projekt- Rregullores për Taksa, Ngarkesa dhe Gjoha Komunale për vitin 2023 (leximi i dytë),
8. Shqyrtimi dhe miratimi i kërkesës për nxjerrjen e vendimit për nisjen e Procedurave për Themelimin e Ndërmarrjes Publike Lokale (NPL),
9. Shqyrtimi dhe miratimi i kërkesës për fillimin e procedurave për Menaxhimin e Mbeturinave në Komunën e Junikut,
10. Marrja e vendimit për formimin e komisionit për zgjedhjen e këshillave lokale në Komunën e Junikut,
11. Marrja e vendimit për formimin e komisionit të ankesave lidhur me procesin e zgjedhjeve të këshillave lokale, dhe
12. Të ndryshme.

Fjalën e kërkoj z. Dervish Bajraktari, i cili tha, unë nuk po e shoh të arsyeshme që në çdo mbledhje të kemi pika shtesë, dhe mendoj se kemi kohë të mjaftueshme që bashkë me materialin për mbledhjet e KPF-së të cekën të gjitha pikat për diskutim, dhe jo të shtohen pika shtesë brenda apo gjatë secilës mbledhje.

Me këtë propozim u pajtuan të gjithë anëtarët e KPF-së, ndërsa me pesë vota për, asnjë kundër dhe asnjë abstenim u miratua Rendi i Ditës i cekur më lartë.

Pika e Parë

Shqyrtimi dhe miratimi i Procesverbalit nga mbledhja e kaluar

Kryesuesi z. Shpejtim Gacaferi kërkoj shqyrtimin dhe miratimin e procesverbalit të mbledhjes së kaluar. Ky procesverbal u shqyrtuan dhe me pesë vota për, asnjë kundër dhe asnjë abstenim u miratuan nga anëtarët e KPF-së.

Pika e Dytë

Shqyrtimi dhe miratimi i Raportit të Punës i Kuvendit Komunal për vitin 2022

Z. Shpejtim Gacaferi tha, unë si Kryesues i Kuvendit jam munduar që të përmbledhë gjithë punën e Kuvendit për vitin 2022 në këtë raport.

Znj. Rajmonda Krasniqi tha, unë e kam lexuar Raportin dhe isha ndal të trajnimet për vitin 2022, kur përfaqësimi i Komunës së Junikut ka qenë shumë i vogël, ndërsa kërkoj që kjo pjesëmarrje të jetë më e madhe në të ardhmen.

Ky raport pune u hodh ne votim dhe me pesë vota për, asnjë kundër dhe asnjë abstenim u miratua.

Pika e Tretë

Shqyrtimi dhe miratimi i Raportit të Punës të Këshillit Komunal për Siguri në Bashkësi

Z. Shpejtim Gacaferi tha, këtë Raport e kemi pranuar me kohë, dhe këtë këshillë e udhëheq Kryetari i Komunës, ndërsa fjalën e mori koordinatori i KKSB-së z. Besart Tofaj i cili tha, ky Këshillë është themeluar pak më vonesë vitin e kaluar, ndërsa ne nuk e kemi trashëguar Planin e Punës së tij. Jemi munduar që ta respektojmë Planin e Punës që kemi bërë vitin e kaluar, ndërsa të bashkangjitur keni informatën e dytë që është obligative të sjellët në Kuvendin e Komunës, dhe nëse keni pyetje jemi të hapur që t'u përgjigjemi.

Kryesuesi hodhi në votim për miratim këtë Raport të Punës së KKSB-së, dhe me pesë vota për, asnjë kundër dhe asnjë abstenim u miratua nga KPF-ja.

Pika e Katërt

Raporti Financiar vjetor Janar- Dhjetor 2022

Drejtoresha për Buxhet dhe Financa, znjsh. Vjollca Qestaj tha, kjo është informatë e katërt për vitin 2022 dhe është informatë për vitin fiskal 2022, e cila përshinë të hyrat dhe shpenzimet për vitin fiskal për 2022, të cilën në pika të shkurta do ta prezantoj tani. Ju keni e marrë si material, mirëpo me një ndryshim të të hyrat nga gjrobat në trafik, të cilat menaxhohen nga niveli qendror, të cila të kanë ardhur dje, dhe të cilat nuk kemi mundur t'i paraqesim në këtë raport.

Kryetari z. Ruzhdi Shehu tha, këto të hyra të gjobave të trafikut janë alokuar me vonesë, dhe ka pësuar ndryshim nga materiali që keni pranuar fillimisht, ndërsa në Kuvend do të shkon i kompletuar.

Znjsh. Vjollca Qestaj tha, buxheti i miratuar për vitin 2022 nga Kuvendi Komunal është 1,648,951.00 €, i cili gjatë vitit 2022 ka pësuar ndryshime, siç janë të hyrat nga donacionet dhe donacionet e bartura nga viti 2021 në 2022 në vlerë prej 2,469.85 €, pastaj të hyrat e bartura të pashpenzuara të vitit 2021 të bartura për shpenzim në vitin 2022, në vlerë prej 91,915.99 €.

Nga niveli qendror është rritur kategoria e pagave në shumën prej 23,442.28 €, kjo për mbulimin e shtesave për përfituesit nga ligji për rimëkëmbje ekonomike për punëtorët shëndetësore në QKMF.

Pra, me të gjitha këto ndryshime dhe me Vendimin e Kuvendit të Komunës është bërë edhe rritja e planit të të hyrave vetanake për vitin 2022 në vlerë prej 141,719.19 €, dhe buxhet përfundimtare pas gjithë këtyre ndryshimeve ka arritur vlerën prej 1,918,138.31€. Në tabelë keni të prezantuar raportin mbi ekzekutimin e buxhetit, si dhe shpenzimet e buxhetore nëpër kategori gjatë vitit 2022, të cilin e shpjegoj për anëtarët e KPF-së dhe të pranishmit në këtë mbledhje.

Z. Dervish Bajraktari tha, unë kam tri pyetje; një për karburantet e automjeteve, dy; mirëmbajtja e mobileve, pajisjeve, dhe tre, për drekat zyrtare. Sipas meje këto janë shuma të mëdha të shpenzuara, p.sh. karburante për automjete në shumë prej 16,074.00 €.

Z. Arten Hamza tha, kjo përmbledhë të gjitha drejtoritë, pra këto janë shpenzimet për derivate për vitin 2022, ku hynë edhe obligimet e bartura në vitin 2021.

Unë këtë raport me datë 10 Mars, 2022 e kam prezantuar para Kuvendit, që është kërkuar nga vet opozita, që të raportohen obligimet, ku 105,532.00 € kanë qenë obligime totale për vitin 2021. Nga këto 105,532.00 € kam deklaruar që 70,407.00 € janë obligime ndaj Caritas-it, qa janë hy në shpenzime tjera kontraktuese.

Derivate për vetura, ngrohje dhe gjenerator janë 11,719.20 €, shërbime të telefonisë mobile kanë qenë 2,632.00 €, shërbime të printimit 1,284.00 €, mirëmbajtje dhe servisim të automjeteve 1,158.00 €, transporti i nxënëseve 5,764.00 €, reklama dhe konkurse 978.00 €, dhe shërbime postare 458.00 €. Pra, këto kanë qenë kryesoret që kanë qenë mallra dhe shërbime, të cilat janë të prezantuara në raportin Janar-Dhjetor 2022. Pra, sa u përket derivateve kemi shumë më pak të shpenzuara sesa në vitin paraprak, pra 2021, dhe kjo vlen edhe për shpenzimet tjera.

Pra, të gjitha këto kanë qenë të planifikuara për shpenzim në ato kategori, dhe të cilat shpenzime nuk i kemi tejkaluar.

Kryetari z. Ruzhdi Shehu tha, është obligim që ta gjitha obligimet paraprake të paguhen, dhe në përgjithësi të gjitha shpenzimet janë më të vogla sesa në vitin paraprak 2021.

Z. Arten Hamza tha, dua të sqaroj se të borxhet apo shumat që janë detyrime kontigjente, por derisa nuk është e raportuar përmes procedurave përmbarimore apo gjyqësore nuk mund të prezantohet si obligim. Përndryshe mund të ndodh që ka kontratë të nënshkruara më herët që nuk janë të faturuara akoma, dhe çështja e të cilave nuk është zgjedhur nuk mund të konsiderohet si obligim derisa nuk ka një proces përmbarimor apo gjyqësor, dhe nuk mund t'i prezantojmë në pasqyrat financiare. Pra, në momentin kur ndodh edhe prezantohet, kështu që mund të ketë diferenca, por duhet të ketë procedura përmbarimore apo gjyqësore, dhe duhet të thirremi në dokumentin burimor kur vjen ndonjë shpenzim.

Z. Xhemë Tofaj pyeti se pse lejon Komuna që lëndët të shkojnë në përmbarim?

Z. Arten Hamza, tha si sqarim, kur nënshkruhet kontrata dhe kryet puna, mirëpo nuk ka mjete financiare për pagesën në fjalë. Afati ligjorë i kryerjes së pagesës është 30 ditë,

pastaj operatori ka të drejtë ligjore që të kërkon pagesën përmes gjykatës, pastaj kjo shpie te procedura përmbarimore.

Desha të cekë edhe diçka, ka mundësi që edhe vitin e ardhshme me vendimet përmbarimore të merret një shumë e mjeteve si pasojë e kontratave paraprake.

Pika e Pestë

Shqyrtimi dhe miratimi i Projekt-Rregullore Edukativo-Arsimore (leximi i parë)

Fjalën e mori drejtori i Arsimit z. Xhavit Velijaj tha, Kuvendi ka formuar një grup punues i cili ka mbajtur takime dhe e ka hartuar si draft, të cilën e posedoni edhe ju.

D.m.th., kjo rregullore ka për qëllim të përcaktojë të drejtat dhe obligimet, veprimet e ndaluara, vijueshmërinë në mësim, masat dhe procedurat disiplinore dhe zbatimin e tyre ndaj nxënësve, mësimdhënësve dhe personelit tjetër në shkollë (drejtori, sekretari, pedagogi dhe personelit tekniko-shërbyes.

Kjo Rregullore për nga tetë kapituj si në vijim;

i pari, është organizimi i brendshëm i punës në institucionet parashkollore, në shkollat fillore, në shkollat e mesme të ulëta dhe të mesme të larta, i dyti, përfshihen të drejtat dhe obligimet e personelit tjetër në shkollë, i treti përshinë shërbimet profesionale, i katërti, ka të bëjë me personelin teknik, i pesti, masat edukative e disiplinore, i gjashti, procedurat ankimore, i shtati, dispozitat kalimtare, dhe i teti, dispozitat përfundimtare.

Pra, kjo është në pika të shkurta, ku me këtë Projekt-Rregullore në përgjithësi synohet cilësi më e mirë na arsim.

Kryesuesi z. Shpejtim Gacaferi hodhi në votim këtë Projekt-Rregullore, e cila me pesë vota për, asnjë kundër dhe asnjë abstenim u miratua nga KPF-ja.

Pika e Gjashtë

Marrja e vendimit për formimin e Komiteti për Shërbime Publike

Kryesuesi tha, kjo është kërkesë e Kryetarit që të formohet ky Komitet, i cili në bazë të rregullores përbëhet prej 5 deri në 9 anëtarë, por ne mund të bëjmë me minimumin prej 5 anëtarëve, ku duhet të reflektoj edhe kuota e barazisë gjinore.

Kryetari z. Ruzhdi Shehu tha, konsiderojmë që ky Komitet është i nevojshëm për Shërbime Publike, dhe i cili do të jetë edhe komitet konsultativ funksional, duke përfshirë sugjerimet sa i përket përmirësimit të shërbimeve publike në nivel të Komunës së Junikut. Ky Komitet ka qenë i formuar edhe me herët, dhe është edhe rekomandim i organeve tjera monitoruese, siç janë OSBE dhe mekanizmat tjerë që të krijohet ky Komitet, i cili do të jetë prej 5 anëtarëve, për shkak se ne jemi komunë e vogël, dhe ka

vështirësi në gjetjen kuadrove. Vlerësohet formimi i këtij Komiteti, i cili nuk është obligativ, por është i shëndetshëm në aspektin e përmirësimit të shërbimeve.

Z. Shpejtim Gacaferi tha, lidhur me këtë ne kemi shikuar edhe në Drejtorinë e Financave, dhe me parashikimin e buxhetit për këtë vit janë paraparë katër seanca me pagesë, kurse në bazë të Udhëzimit Administrativ parashikohen gjashtë seanca, ndërsa pagesa është sikurse e komiteteve tjera. Me rëndësi është që ky Komitet të përbëhet nga profesionistët.

Ndërsa, si ‘çelës’ në përbërje prej 5 anëtarëve, shumica vijnë jashtë Kuvendit, shkak i profesionit, përpos Kryesuesit i cili nuk lejohet të jetë pjesë e këtij Komiteti.

Z. Shpejtim Gacaferi pyeti anëtarët e KPF-së nëse ata pajtohen që të formohet ky Komitet, që Komiteti të përbëhet nga 5 anëtarë, dhe përbërja më e madhe të jetë nga profesionistë, sepse edhe kërkohet të jetë i tillë.

Z. Xhemë Tofaj , kërkoj që ky Komitet të jetë këshillëdhënës, por të mos hartojë projekte!

Z. Shpejtim Gacaferi tha, ky Komitet ka shumë rëndësi sepse merret me detyra projektuese, nga të cilat mund të fitojmë projekte nga organizata DEMOS dhe organizata tjera, përndryshe nëse nuk ka Komitet dhe projekte konkrete këto organizata nuk do të ndihmojnë.

Kryesuesi hodhi në votim formimin e Komitetit për Shërbime Publike, dhe me pesë vota për, asnjë kundër dhe asnjë abstenim u miratua në KPF-ja.

Pika e Shtatë

Shqyrtimi dhe miratimi i Projekt-Rregullore për Taksa, Ngarkesa dhe Gjoha Komunale për vitin 2023 (leximi i dytë)

Z, Shpejtim Gacaferi tha, kjo Rregullore ka kaluar si e tillë me disa ndërhyrje dhe sugjerime në lexim të parë, dhe e cila ka qenë na Diskutim Publik.

Fjalën e mori znjsh. Vjollca Qestaj e cila tha, kjo është hera e dytë që juve iu vjen kjo Rregullore, pra është leximi i dytë, ndërsa dje ka përfunduar diskutimi publik. Këtu janë përfshirë edhe ndryshimet që janë kërkuar në Kuvend nga anëtari i Asamblesë z. Leonard Lllolluni, që të ndahen veprimtaritë prodhuese shërbyese, si dhe disa gabime teknike të cilat janë rregulluar.

Kryesuesi hodhi në votim edhe këtë Projekt-Rregullore e cila me katër vota të pranishme për, asnjë kundër dhe asnjë abstenim u miratua.

Pika e Tetë

Shqyrtimi dhe miratimi kërkesës për nxjerrjen e vendimit për Nisjen e Procedurave për Themelimin e Ndërmarrjes Publike Lokale (NPL)

Kryesuesi tha, parashtues i kësaj kërkesë është Drejtoria e Shërbimeve Publike, ndërsa fjalën e mori drejtori z. Demokrat Ganiqaj, i cili tha, për menaxhimin e mbeturinave kemi kaluar në fazë ku duhet të themelojmë një ndërmarrje publike lokale. Unë kisha kërkuar nga ju që kjo të kalojë si pikë për Kuvend, të formohet grupi punues, dhe të bëhen studime financiare rreth kësaj ndërmarrje publike.

Kryetari tha, kjo është një iniciativë që të krijohet një Akt-vendim që t'i qasemi qëndrueshmërisë, analizës ekonomike financiare, dhe përmirësimit të shërbimeve publike në Komunën e Junikut. Kjo është e lejuar me ligj dhe secila komunë ka të drejtë të bëjë ndërmarrjen e vet, por çështja është se ne duhet të bëjmë një grup punues, dhe një grup të ekspertëve, që të bëjmë një analizë se a ka qëndrueshmëri ekonomike, duke parë rrethanat që Komuna e Junikut ka një numër të kufizuar të banorëve dhe bizneseve. D.m.th., iniciativa që marrim në Kuvend është për t'iu qasur analizës përmes mbështetjes, në mënyrë që të ofrohet mundësia e analizës, pastaj të informohet edhe Kuvendi nëse kemi rezultate pozitive, të cilat do t'i kishin përmirësuar shërbimet publike, që janë shumë të nevojshme për qytetarët e Komunës së Junikut. Pra, kjo është një procedurë ligjore, dhe kjo është qëllimi i kësaj. Ndërsa, me pesë vota për, asnjë kundër dhe asnjë abstenim u mirat kjo **Kërkesë** e Drejtorisë për Shërbime Publike.

Pika e Nëntë

Shqyrtimi dhe miratimi kërkesës për fillimin e procedurave për Rregulloren për menaxhimin e Mbeturinave në Komunën e Junikut

Kryesuesi tha, prapë parashtues i kësaj **Kërkesë** është Drejtoria për Shërbime Publike, ndërsa fjalën ia kaloi z. Demokrat Ganiqaj, i cili tha, ne aktualisht kemi një Rregullore komunale, por e cila është shumë e mangët, dhe e cila është në kundërshtim me legjislacionin në fuqi. GIZI Gjerman e ka bërë një Draft-Rregullore dhe është marrë Vendim që kjo Rregullore të jetë e ngjashme me të gjitha komunat e Kosovës, e cila është përgatitur nga ekspertët, dhe e cila është në harmoni me legjislacionin.

Z. Shpejtim Gacaferi tha, nëse në këtë Rregullore ndryshohet diçka atëherë me kërkesën tuaj kjo Rregullore duhet të anulohet me Vendim.

Kryetari z. Ruzhdi Shehu tha, me hyrjen në fuqi të Rregullores së re, shfuqizohet Rregullorja e vjetër.

Kryesuesi z. Shpejtim Gacaferi hodhi në votim këtë **Kërkesë**, e cila me pesë vota për, asnjë kundër dhe asnjë abstenim u miratua.

Pika e Dhjetë
Marrja e vendimit për formimin e komisionit për zgjedhjen e këshillave lokale në
Komunën e Junikut

Kryesuesi tha, parashtruese e kësaj **Kërkesë** është Drejtoria e Administratës, ndërsa fjalën e mori drejtoresha znjsh. Leonora Shehu e cila tha, kemi filluar procedurat për plotësim- ndryshimin e Rregullores, për organizimin, funksionalizimin dhe bashkëpunimin e Komunës me fshatrat, vendbanimet dhe lagjet urbane, ku tani Rregullorja në fuqi e vitit 2015 harmonizohet me U.A. të MALP-it të vitit 2019. Ku tani në bazë të U.A. 02/2019 të MALP-sa në nenin 5, pika 2, ceket që duhet të formohet Komisioni nga Kuvendi i Komunës për zgjedhjen e Këshillave Lokale, i cili Komision duhet të përbëhet nga 7 anëtarë; katër duhet të jenë nga Kuvendi i Komunës, një nga Ekzekutivi, një nga Shoqëria Civile, dhe një përfaqësues i lagjes apo vendbanimit ku bëhet zgjedhja e Këshillave Lokale.

Pasiqë Kuvendi është i përfaqësuar nga tri parti politike, atëherë dy anëtarë do të jenë nga Shoqëria Civile.

Në këtë takim të KPF-së nuk kemi përzgjedhë emra, por të kërkojmë që kjo të kalojë si pikë në Kuvend.

Edhe kjo **Kërkesë** u miratua me pesë vota për, asnjë kundër dhe asnjë abstenim.

Pika e Njëmbëdhjetë
Marrja e vendimit për formimin e komisionit të ankesave lidhur me procesin e
zgjedhjeve të këshillave lokale

Për këtë pikë znjsh. Leonora Shehu tha, si shpjegim, Komisioni i Ankesave bazohet në Rregullore, ku pas formimit të Komisionit për zgjedhjen e Këshillave Lokale, formohet edhe Komisioni i Ankesave i cili përbëhet nga tre anëtarë, të cilët duhet të jenë nga subjektet politike me numër më të madh në Kuvend.

Edhe kjo Kërkesë, me pesë vota për, asnjë kundër dhe asnjë abstenim u miratua nga KPF-ja.

Pika e Dymbëdhjetë
Të ndryshme

Fjalën e kërkojë znjsh. Ermelinda Lolluni e cila ngriti çështjen e higjienës në shkollat e Junikut, veçanërisht theksojë paralelen e parashkollorës, dhe kërkojë nga drejtori i Arsimit z. Xhavit Velijaj që të merren masa adekuate për mirëmbajtjen e higjienës në shkollë. Poashtu ngriti edhe çështjen e kujdestarisë për parashkollorët nga nxënësi me nevoja të veçanta në kuadër të shkollës, dhe tha se ka pasur raste të dhunës fizike në mes të dy kategorive në fjalë. Pra, kërkojë që të merren masa dhe të ketë Kujdestarë të Ditës. Kjo vërtetë është shumë shqetësuese, theksojë ajo.

Drejtori z. Xhavit Velijaj tha, ne këtë vit jemi duke rekrutuar edhe dy asistentë, dhe kjo është nevojë edhe e nivelit qendror. MASHT-i do që të shtohet numri tyre për asistim të fëmijët me nevoja të veçanta, sepse deri me tani nuk kemi pasur, mirëpo kjo është bërë vetëm nga përcjellësit.

Pra, është duke u punuar në shtimin e numrit të asistentëve, dhe do të bëhet sistematizimi i asaj shtrese.

Kryetari z. Ruzhdi Shehu tha, ky është proces, problemi është menaxhimi në shkolla, ku ka zbrazëti. Ne jemi në proces të rekrutimit të drejtorit, dhe në mbikëqyrje të kësaj duhet të jetë drejtorja, kurse asistentët janë procese tjera, dhe nuk e sanojnë gjendjen. Pra, në pyetje është menaxhimi. Pra duhet të ketë një kujdes dhe mbikëqyrje të shtuar.

Me kaq, kryesuesi z. Shpejtim Gacaferi e shpalli të mbyllur këtë mbledhje të KPF-së.

Gëzim Geci-Procesmbajtës

Shpejtim Gacaferi-Kryesues